

**SAAI se privaatheidsverklaringsbeleid:
Webtuistes en webportale**

Dokumentnaam: SAAI se privaatheidsverklaringsbeleid
Jongste hersieningsdatum: 28 April 2021
Weergawe: 1.0

Vrywaring

Hierdie beleidsdokument, enige bybehorende aanhangsel(s) en enige regte hieraan verbonde is die eiendom van SAAI, tensy die konteks duidelik anders aandui. Dit is vertroulik, privaat en slegs bedoel vir die geadresseerde, en mag slegs deur die geadresseerde gebruik word vir die spesifieke doel waarvoor die beleidsdokument aangevra is. Die geadresseerde moet alle persoonlike inligting wat hierdeur tot sy of haar kennis of in sy of haar besit kom as vertroulik hanteer en mag dit nie openbaar maak sonder die instemming van SAAI nie.

SAAI aanvaar geen enkele verantwoordelikheid vir enige verlies of skade, op watter manier ook al opgedoen of gely, wat voortvloei uit, of die gevolg is van, die gebruik van die inligting in hierdie beleidsdokument of die aanhangsel(s) daarvan.

Inhoudsopgawe

Inleiding.....	4
Jou instemming	4
Berging van persoonlike inligting	5
SAAI-beveiligingspraktyke	5
SAAI-koekiepraktyke.....	5
Skakels na ander webwerwe en webportale	5
Reg om hierdie privaatheidsverklaring te wysig	5

Inleiding

Wanneer jy die SAAI webtuiste en/of -portaal gebruik, of wanneer jy inskryf as lid van SAAI via ons uitgekонтракteerde inbelsentrum, gee jy daarmee toestemming aan SAAI om jou persoonlike inligting in te samel en te gebruik. SAAI gebruik jou persoonlike inligting slegs vir interne doeleindes, soos byvoorbeeld die verbetering van die webtuiste se funksionering, die opstel van 'n databasis van lede, en rekordhouding van jou toegangsbesonderhede en veranderings wat jy as lid maak ten opsigte van jou persoonlike inligting. SAAI sal alle toepaslike wetgewing nakom, met besondere fokus op die Wet op die Beskerming van Persoonlike Inligting 4 van 2013 (in Engels die Protection of Personal Information Act (POPI-wet) wat die bestuur en verwerking van persoonlike inligting betref. SAAI hanteer persoonlike inligting wat van of vir die webtuiste ingesamel word as streng privaat en vertroulik. Alle persoonlike inligting wat ingesamel is, sal slegs gebruik word vir die doeleindes waarvoor dit ingesamel is, en sal nie verder verwerk word sonder instemming van die lid of datagebruiker nie.

SAAI sal jou persoonlike inligting nie deel met derde partye sonder om vooraf jou instemming te verkry nie, tensy 'n geregshof SAAI beveel om dit wel te doen. SAAI is verbind tot alle tersaaklike wetgewing wat te make het met die ontvangs, berging en verwerking van persoonlike inligting, en sal voldoen aan die bepalings van toepaslike wetgewing, ook soos dit van tyd tot tyd gewysig mag word, met spesifieke fokus op die POPI-wet.

Jy stem daartoe in dat SAAI jou persoonlike inligting mag deel met gekонтракteerde diensverskaffers vir die uitsluitlike doeleindes van die verwerking, bestuur en administrasie van al ons lede se persoonlike inligting.

Alle persoonlike inligting word direk vanaf jou persoonlik verkry, en waar dit wettig en redelik is, kan ons moontlik persoonlike inligting soos deur jou verskaf, verifieer met gekонтракteerde diensverskaffers, banke, adreskontroledienste en ID-verifikasiedienste vir die doeleindes soos hieronder uiteengesit.

Jou instemming

SAAI sal jou persoonlike inligting verwerk wanneer jy jou instemming gewillig verleen of in ooreenstemming met wetgewing. Jy gee aan ons toestemming vir die insameling van jou persoonlike gegewens deur middel van die volgende:

- Inskryfproses vir nuwe lede
- Deelname aan organisasie se kompetisie-aktiwiteite
- Bewusmakingsveldtogte
- Petisies
- Deelname aan spesifieke veldtogte
- Deelname aan sportgeleenthede
- Deelname aan peilings en meningsopnames
- Potgooie
- Vrywillige deelname aan aktiwiteite van die organisasie
- Direkte kommunikasie via e-pos en sms

SAAI sal jou persoonlike inligting slegs openbaar maak in die volgende omstandighede:

- As die wet dit vereis
- As daar 'n openbare plig op ons rus om dit openbaar te maak

- As ons of jou persoonlike wettige belange openbaarmaking noodsaak
- As jy daartoe ingestem het dat ons jou inligting openbaar mag maak

Berging van persoonlike inligting

Ons berg persoonlike inligting soos deur die wet vereis, binne Suid-Afrika in 'n privaat wolkrekenaarstelsel ("private cloud") wat beheer word deur Amazon Web Services (AWS) in Kaapstad. Die berging van inligting word beskerm deur die vereiste sekuriteitstoegangsbeheer en die nodige IT-infrastruktuurbeskerming.

SAAI-beveiligingspraktyke

Ons beveiligingstelsels is ontwerp om die verlies of ongemagtigde vernietiging van, skade aan en/of toegang tot jou persoonlike inligting deur ongemagtigde partye te voorkom.

SAAI-koekiepraktyke

Die SAAI webtuiste maak gebruik van koekies: klein tekslêers wat op jou toestel gelaai word sodat die webtuiste 'n beter gebruikservaring moontlik kan maak. Oor die algemeen word koekies gebruik om gebruikersvoorkeure te bewaar, inligting te stoor vir elemente soos digitale winkelmandjies, en om anoniem gemaakte volggewens te verskaf aan derdepartytoepassings soos Google Analytics.

Normaalweg sal koekies jou internetsoektog vergemaklik. Jy kan egter besluit om koekies af te skakel vir hierdie webtuiste en/of ander webwerwe. Die mees doeltreffende manier om dit te doen is om koekies in jou webblaaier ("browser") af te skakel. Ons beveel aan dat jy die Help-bladsy van jou webblaaier raadpleeg of die webtuiste [About Cookies](#) besoek, waar jy ondersteuningsinligting sal vind vir alle gangbare webblaaiers.

Skakels na ander webwerwe en webportale

Niemand mag 'n hiperskakel, raam, metamerker of soortgelyke verwysing (in algemene gebruik "skakels" genoem), hetsy in elektroniese of enige ander formaat, plaas na hierdie webtuiste of enige ondergeskikte webbladsye sonder ons voorafverkreë skriftelike toestemming nie, wat toegestaan of weerhou mag word onderhewig aan die voorwaardes soos deur ons van tyd tot tyd uiteengesit.

Enige aansoek vir die plasing van 'n skakel moet gerig word aan die Inligtingskantoor by die e-posadres [navrae@SAAI.org](mailto:navrae@saai.org). Na ontvangs van jou aansoek sal ons ons bes doen om te antwoord en die saak verder met jou te bespreek. Indien jy nie 'n skriftelike reaksie van ons kry binne 20 (twintig) werksdae nie, moet jy aanvaar dat jou aansoek van die hand gewys is.

Reg om hierdie privaatheidsverklaring te wysig

SAAI het die reg om hierdie privaatheidsverklaring te wysig. Ons sal alle veranderings publiseer op ons webtuiste en webportaal. Die jongste weergawe van ons privaatheidsverklaring sal enige vorige weergawe vervang, tensy anders vermeld.

Handtekening: _____

Datum: _____

SAAI-inligtingsbeampte